

Morning Dogri (NSD)

20-05-2025

खबरां

1. सरकार नै Overseas citizens यानि प्रवासी भारीयें दे बेहतर अनुभव लेई नमें सिरेआ तैयार OCI जारी कीता ऐ।
2. NCP दे सीनियर लीडर धगगन भुजबता होरें गी अज्ज महाराष्ट्र मंत्रिमंडल च शामिल कीता गेआ।
3. मौसम विभाग नै कर्नाटक लेई ओरेंज अलर्ट आहली चेतावनी जारी कीती ऐ ते अगले 2 दिनें तोड़ी भारी थमां मती भारी बरखा दी संभावना जताई ऐ।
4. अमरीका दे राष्ट्रपति डोनाल्ड ट्रम्प होरें घोषणा कीती जे रूस ते युक्रेन युद्ध गी खत्म करने ते लड़ाई बंदी लेई इक दुए कन्नै सिद्धे तौरा पर गल्लबात लेई तैयार ना।
5. Khelo India Beach खेड्डां Diu च शुरू।



Shah-OCI

गृह मंत्री अमित शाह होरें कल नमी दिल्ली च नमे ओवरसीज सिटीजन ऑफ इंडिया-ओसीआई पोर्टल दी शुरुआत कीती। नमा पोर्टल मौजूदा 50 लक्ख थवा मते ओसीआई कार्डधारकें ते नमें उपयोगताएं आस्तै बेहतर कार्यक्षमता, उन्नत सुरक्षा ते अनुकूल अनुभव प्रदान करौगा। इस मौके पर गृह मंत्री होरें आक्खेआ जे भारत ओसीआई कार्डधारकें गी विश्व स्तरीय सरबन्धी सुविधाएं प्रदान करने दे लगातार जतन कीते जा'रदे ना। उने आक्खेआ जे ओवरसीज सिटीजन आस्तै पंजीकरण प्रक्रिया गी सखला बनाने आस्तै अपडेटेड यूजर इंटरफेस कन्नै इक नमा ओसीआई पोर्टल लॉन्च कीता गेआ ऐ। श्री शाह होरें इस गल्ला पर बी जोर दिता जे दुनिया भरै दे केई मुल्लें च भारतीय मूल दे नागरिक रौहन्दे न ते एहू यीकीनी कीता जाना लोडचदा जे भारत औने या इत्थे रौहने दौरान उनें गी कुसै बी चाल्ली दी असुविधा दा सामना नेई करना पवै। प्रधानमंत्री नरेंद्र मोदी होरें नमे ओवरसीज सिटीजन ऑफ इंडिया-ओसीआईपोर्टल दी सराहना कीती ऐ। सोशल मीडिया पोस्ट च श्री मोदी होरें

आखेआ जे उन्नत सुविधाएं ते बेहतर कार्यक्षमता कन्नै नमा ओसीआई पोर्टल नागरिक अनुकूल डिजिटल प्रशासन गी बढावा देने दी दिशा च इक बड्डी गैs ऐ।

<><><><><><>

Shah-OCI

नेशनलिस्ट कांग्रेस पार्टी दे सीनियर लीडर छगन भुजबल होरें गी अज्ज महाराष्ट्र दे मंत्रिमंडल च शामिल कीता जाग। संसद समारोह बडुलै 10 बजे होगा। भुजबल होरें गी मेद ऐ जे खाद्य ते सिविल सप्लाई मैहकमा थहोई सकदा ऐ की जे एकनाथ शिंदे हुंदी सरकार च भुजबल हुंदे कोल इयो मैहकमा हा।

<><><><><><>

IMD

भारती मौसम मैहकमे नै अगले 2 दिनें तोड़ी कर्नाटक च भारी थमां मती भारी बरखा सरबंधी ओरेंज अलर्ट जारी कीता ऐ। मौसम मैहकमे नै कर्नाटक दे किश हिस्सें ते तमिलनाडू, कोंकण ते महाराष्ट्र कन्नै लगदे इलाके लेई रेड अलर्ट आहली चेतावनी जारी कीती ऐ ते अगले त्रै दिनें तोड़ी भारी थमां मती भारी बरखा दी संभावना जताई ऐ।

<><><><><><>

EAM-Dutch

विदेश मंत्री डॉ. एस जयशंकर होरें नीदरलैंड दे हेग थाहर उत्थूं दे विदेश मंत्री कैस्पर वेल्डकैप हुंदे कन्नै मलाटी कीती। इक सोशल मीडिया पोस्ट च डॉ. जयशंकर होरें आखेआ जे उनें दौनें मुल्लें बशकार ते यूरोपीय संघ कन्नै कई खेत्तरें च दपक्खी सरबंधें गी होर तगडा करने बारै व्यापक गल्लबात कीती। उनें नीदरलैंड आसेआ पहलगाम हमले दी सख्त निंदेआ ते आतंकवाद गी उक्का बी बर्दाश्त नेई करने पर समर्थन देने दी सराहना कीती।

<><><><><><>

PM-MKB

प्रधानमंत्री नरेन्द्र मोदी होर इस म्हीनें दे अखीरले एतवारें यानि 25 मेई गी आकाशवाणी पर प्रसारित होने आहले अपने महावार रेडियो कार्यक्रम मन की बात राए देश विदेश च रोहने आहले लोके कन्ने अपने विचार सांझा करडन। एहू इस प्रोग्राम दी 122मीं कडी होगा लोक अपने विचार ते सुझा टोलप्री नम्बर 800-11-7800 पर भेजी सकदे ना। एदे अलावा लोक अपने सुझा ते विचार नरेन्द्र मोदी एप ते माई गोव ओपन फोर्म पर बी भेजी सकदे ना।

इन्दे च चुने गेदे किश सुझाएं गी प्रधानमंत्री होरें अपने कार्यक्रम च शामिल करडन। अपने विचार ते सुझा भेजेने दी अखीरी तरीक 23 मेई ऐ।

<><><><><><>

US-Prez.

अमरीका दे राष्ट्रपति डोनाल्ड ट्रम्प होरें रूस दे राष्ट्रपति व्लादिमीर पुतिन हुंदे कन्नै टेलीफोन पर 2 घंटें तोड़ी चर्चा करने बाद आखेआ जे रूस ते यूक्रेन युद्ध गी खत्म करने ते लड़ाईबंदी गितै इक दुए कन्नै सिद्धे गल्लबात करंगन। राष्ट्रपति पुतिन होरें बी तस्दीक कीती ऐ जे यूक्रेन कन्नै संभावित शांति समझौते उप्पर कम्म करने लेई तैयार ऐ ते गल्लबात स्हेई दिशा च अगगे बदा रदी ऐ। रूसी राष्ट्रपति होरें तनोतनी दे बावजूद शांति स्थापित करने गितै असरदार ढंग तरीकें पर जोर दित्ता। तोआई यूक्रेन दे राष्ट्रपति जेलेसकी होरें इक बयानै च आखेआ जे ओहू रूस कन्नै तुर्किये, स्विटजरलैंड जां फी वैटीकन च शांति समझौते पर गल्लबात लेई तैयार ना। उनें पूरे पराते ते बिजन शर्त युद्ध विराम दा आह्वान कीता ते आखेआ जे यूक्रेन स्हेई फैसले लैने लेई तैयार ऐ।

<><><><><><>

India-Ambassador Israel

इज़राइल च भारत दे राजदूत जे पी सिंह होरें आक्खेआ ऐ जे पाकिस्तान आस्सेआ इस्लामी आतंकवादी संगठनें लश्कर-ए-तैयबा ते जैश-ए-मोहम्मद दे सरगनाएं गी भारत गी सौंपने दा सेई समां आई गेदा ऐ। इज़राइल दे टीवी चैनल पर इक साक्षात्कार च, उने आक्खेआ जे पाकिस्तान दे एहू आतंकी संगठन भारत पर केई हमले च शामिल रेए न, जेदे च 22 अप्रैल गी पहलगाम च होए दा हमला बी शामिल ऐ। उने आक्खेआ ऐ जे इने हमले दे पिच्छे जैश-ए-मोहम्मद ते ओदे नेता मसूद अजहर ते लश्कर-ए-तैयबा ते ओदे सरगना हाफिज़ सईद हे। श्री सिंह होरें एहू बी आक्खेआ ऐ जे पहलगाम आतंकी हमले दे जवाब च 7 मेई गी शुरू ऑपरेशन सिंदूर फिलहाल रूके दा जरूर ऐ, पर एहू खत्म नेई ऐ। उने आक्खेआ जे आतंकवाद खिलाफ अजे लड़ाई जारी रहौगा। सिंधु जल संधि गी निलंबित करने बारे च पुच्छे गेदे सोआले दे परते च उनें आक्खेआ जे इस संधि पर सद्भावना ते मित्रता दी भावना कन्ने दस्तखत कीते गए हे।

<><><><><><>

Khelo India Beach Games

पहली खेलो इंडिया बीच गेम्स कल संजा Diu दे घोघला बीच पर शुरू होईयां। केन्द्री य खेड मंत्री मनसुख मांडविया होरें इक शानदार समारोह च इनें खेडे दा उद्घाटन कीता। इस समारोह च बक्ख-बक्ख चाली दे रिवायती नाच दे राए भारत दी समृद्ध विविधता दा प्रदर्शन कीता गे गेआ। इस मौके पर मांडविया होरें फीहू आक्खेआ जे भारत 2047 तक खेडें च महाशक्ति बनने आस्तै बचनबद्ध ऐ। इने खेडें च 30 राज्यें ते केन्द्र शासित प्रदेशें दे इक हजार 3 सौ 50 थवा मते खडारी बक्ख-बक्ख खेड मुकाबलें च हिस्सा लै रदे'न। प्रधानमंत्री नरेन्द्र मोदी होरें खेलो इंडिया बीच गेम्स गी देशै दे खेड इतिहास दा महत्वापूर्ण पल दस्सेआ ऐ। उने अपने सनेह च देश च खेडें दे आयोजकें गी बधाई ते शुभकामना दितियां।

<><><><><><>

IPL

IPL क्रिकेट च जंदी रातीं सनराइजर्स हैदराबाद नै लखनऊ सुपर जायंट्स गी 6 विकटें कन्नै हराई दित्ता जेदे कन्नै लखनऊ दी टीम Playoffs थमां बाहर होई गई ऐ। 206 रनें दे लक्ष्य दा पिच्छा करदे होई सनराइजर्स हैदराबाद दी टीम नै 18.2 ओवरें च चार विकटें दे नुकसान पर लक्ष्य गी हासल करी लैता।

<><><><><><>

Table-Tennis

कतर दी दोहा थाहर खेड्डी जा'रदी वर्ल्ड टेबल टेनिस प्रतियोगिता फाइनल 2025 च भारत दी Diya Chatale ते यश्चिनी धोरपडे महिलां डबल दे प्री क्वार्टरफाइनल च पुज्जी गेइयां न।

<><><><><><>

ISSF-Junior Cup

पेरिस 2024 ओलंपियन रायजा ढिल्लन हुन्दी अगुवाई च 57 सदस्यीय भारतीय निशानेबाजी दल जर्मनी दे सुहल च आईएसएसएफ जूनियर विश्व कप 2025 च हिस्सा लै'रदा ऐ। बरे दा पैहला जूनियर आईएसएसएफ विश्व कप कल शुरू होआ ते 26 मई तकर जारी रहौगा। इसदे च अंडर-21 श्रेणी च गैर-ओलंपिक ते ओलंपिक दोनें चाल्ली दीकी निशानेबाजी आहले मुकाबले शामिल ना। अंतर्राष्ट्रीय निशानेबाजी खेल महासंघ-आईएसएसएफ आस्सेआ 2016 च शुरू कीता गेदा जूनियर विश्व कप विश्व चैंपियनशिप दे कन्नो कन्नी अंडर-21 एथलीटें आस्तै दुनिया दी प्रमुख सालाना निशानेबाजी प्रतियोगिताएं चा इक ऐ।

